

03 FEBRUARIE
RUGACIUNEA 5
SF.DREPT SIMEON

МОЛИТВА

О, великий угодниче Божий и Богоприимче Симеоне! Услыши нас грешных, молящихся тебе и ко святей иконе твоей припадающих, и множества ради грехов наших не отыми покров твой святыи от обители, в нейже от лет древних многими знаменьями и чудесы прославися святая сия и чудотворная икона твоя, но соблюди ю твердо и непоколебиму от всех враг видимых и невидимых, и от всех напастей и бед невредиму сохрани. Буди помощник благий всем благочестно живущим и добре труждающимся в ней, и избави нас от недугов и глада, от потопления и огня, от напрасныя смерти и смертоносныя язвы и от всякаго зла. Отжени от нас мысленнаго волка губителя, ищуща пожрати и во ад свести души наша, огради нас от искушений и соблазнов мирских и от развлечений суетных и душевредных. Утверди сердца наша в смирении, кротости, послушании, безмолвии, воздержании, терпении, непамятозлобии и любви, яже о

Христе Иисусе, Господе нашем, и во всяцем деле блазе и подвизех иноческих укрепи. Упаси убо, яко пастырь добрый, на пажитех Христовых в мире вся словесныя овцы Христовы, во дворе твоем собранныя, яко да, благочестно поживше во обители на земли, с миром отъидем во обители Небеснаго Царствия, идеже сонми праведных и святых купно с тобою непрестанно славят Пресвятое и Благословенное имя Отца и Сына и Святаго Духа, и ныне и присно и во веки веков. Аминь.